

# تاریخ عثمانی انجمنی

مجموعہ سی

ایک آیدہ برنسر اولنور

مندرجات

طوبقو سراى هايونى . . . . . عبدالرحمن  
مسیحی دیوانی ( دیوانلردن نصل استفاده اولنور ) . . . . . نجیب عاصم  
سلسلہ وقوات دولت علیہ دہ ضبط ایدلیان ۱۱۴۲ { عارف  
سنہ سی حادثاتی ( مابعد ) . . . . .  
روم سلجوق دولتک انقراضیلہ تشکیلیدن طوائف ملوک ( مابعد ) . احمد توحید  
حکومت عثمانیہ طرفندن ایلک تأسیس اولنان مطبعہ و بوک نشریاتی . میستاکیدیس  
تفرقه : تاریخ سلطان محمد ثانی . مؤلفی قرینو و ولوس . مترجمی قارولیدی .

فیثائی ۵ غروش

استانبول

مطبعہ انجمن عثمانی

مطبعہ عثمانی

۱۳۲۸

## روم سلجوقی دولتک انقراضیله تشکل ایدن طوائف ملوک سینوبده غازی چلبی

سلجوقی قسندہ سلطان مسعود تاتینک مخدومی غازی چلبی پدری  
همداندہ محبوس بولدیغی حالده محضا علاءالدین کیقباد ثالثه رقیب اولمق  
اوزره قسطمونی وسینوب حوالینه طرف ایلخاندن حکمدار تعین  
ایدلش اولدیغی ذکر ایدلشیدی [۱].

غازی چلبی پروانه زاده لردن مسعودک وفاتی اوزرینه سینوبی الله  
ایده رک اوراده تأیس حکومت ایتدی. واقعا ایلخان طرفدن ویریلان  
یرلیغده غازی چلبینک قلمر وحکمی اناطولینک نصفی حاوی ایدی [۲]  
فقط حقیقتده حکمی سینوب شهرندن اوتہ کچمه دیکی روش حالدن نمایاندر.  
غازی چلبی برآ احراز شان و شرفه تصدی ایلخانیلرک غیظنی موجب  
ویوایسه بادی\* فلاکتی مؤدی اوله جغنی بیلدیکندن بحرآ غزا ایله مشغول  
اولدی. عالی دیورکه «غازی چلبی سینوب اسکلہ سنده اولوردی کیمیلر  
یابدیروب روس وچرکه وکفه متملکی افرنج ناکه غزادن خالی دکل  
ایدی» [۳]

غازی چلبینک سلطنتی هانکی تاریخچه قدر دوام ایتدیکنی مین برقید  
تاریخی الله ایده مه دیکم کی سینوبده اولسی لازم کلن مدفن حقیقه معلومه  
دسترس اولامادم.

[۱] تاریخ عثمانی انجمنی مجموعہ سی جزء ۳ صحیفه ۱۹۹

[۲] «سیره وقسطمونی وسینوب ولایتلرینی ازینقه دک و بوطرفدن قارس  
ملکتی ایله ماروخان سنورینه دک سلطان مسعود اوغلی غازی چلبی به مقرر ایلدی»  
عالی کنه الاخبار رکن رابع جزء اول صحیفه ۲۲ سیره یاخود سیره اناسیه  
سنجانی داخنده وزیر کوپرینک یاننده برشهر قدیمدر. جهانما صحیفه ۶۳۶

[۳] کذا کنه الاخبار رکن رابع جزء اول صحیفه ۲۲

سیاح مشہور ابن بطوطہ غازی چلیںک شجاعتدن واقدامندن بختلہ طائفہ جلقدمہ ماهر اولدیتنی و بوقدر اوصاف برکزیده سیلہ برابر اسرار کش اولوب بویوزدن اولدیکنی و اسرار کشک عصر مزبورده سینوبده منتشر بولوندیغنی بیان ایدیور و غازی چلیںک برکون آوده برکیکی قوغلا رکن بر آغاجہ چاروب و فات ایله دیکنی و مملکتی قسطمونی ملکی اسقندریار اوغللرندن سلیمان پاشا بدینہ کچدیکنی یازیور حالوکه بعض تاریخلرده غازی چلیںک و فاتندن صکرہ رینہ اوغلی ابراہیم قائم اولدیننی محرردر . ابن بطوطہ سینوبی زیارت ایتدیکنده اسقندریار اوغللرندن سلیمان پاشانک اوغلی ابراہیم سینوبده امیر اولدیتنی سویلہ یور . غازی چلیںک ابراہیم اسندہ کی اوغلی و خلیفہ رینہ عینی اسندہ اسقندریار اوغللرندن برذاتک سینوبده حکومت ایتیمسی تاریخ یازانلرجه تشویشی موجب اولمشدر غازی چلی زادم ابراہیمک اسندن غیری بر معلومات تاریخہ الہ ایدہ مہدم . ۸۳۱ ھ ہجریہ سندہ لایورکچ پاشانک حکومتہ خاتمہ ویردیکی جانبک بکی الب ارسلان اوغلی حین بک عجا ابراہیم و یاخود غازی چلی احفادنندمیدر . یوقہ آل سلجوقدن دیگر برذاتک نسلندمیدر . مع التأسف بویابده هیچ برقید تاریخی بولامادم . ارباب دانشدن بو خصوصہ معلوماتی اولانلرک انجمنہ بیلدیرمنی تکرار علی التکرار رجا ایدرم .

۱۸۷۱ ھ میلادیہ سندہ استانبولده طبع ایدلش اولان و اوقسزا Oksza نام ذات طرفدن تلفیق اولمش بولونان فرانزجه تاریخ عثمانیہ [۱] سلجوقلیرک انقراضی اوزرینہ اناطولیہ تشکیل ایتیش اولان طوائف ملوکدن اوتجی امارت اولق اوزرہ قسطمونی ذکر ایدلمکده و غازی چلیںک و فاتیلہ اوغلی ابراہیم طرفدن اداره ایدلیدیکی بیان اولنقمده در . ادریس بدلیسی « هشت بهشت » ده غازی چلی علاء الدین کیقباد

ثالثك عاقبت احواله مطلع اولونجه كفه به فرار ایتدیكنی شوعباره ایله بیان ایدیور «غازی چلبی ولدسلطان مسودرا محقرمملکتی مثل قسطمونی وسیره دادند واونیز از خوف خود بجانب كفه فرار کرد ودران جوانب بھوت اوبالتمام دولت سلجوقیان روی بانقرض آورد. » ادريك بوقولنه نظراً غازی چلبی ایله خاندانی مقرض اولیور لکن كفه به فراری خصوصی موقوف به اولماسه کرکدر .

### قسطمونی ده حام الدین چوبان بك عائله سی

اسفندیار اوغللرندن سلیمان پاشا بن شمس الدین تیمور قسطمونی بی حام الدین چوبان بك نسلندن اولان محمود بك یدندن آتش اولدیفتندن اوج امراسندن بولونان و سلجوقی تاریخك صحاشی ترین ایله بن بو عائله حقده دسترس اولایلدیكم معلوماتی ذكر ایتدی فائده دن خالی کورمه دم: سلجوقیلر اناطولی بی استیلا ایتدكلرنده تركستاندن برابركتیردكلری قبائل میاسنده قایلردنده وار ایدی. اما عثمانیلر ك اجدادی اولان قایلر جلال الدین خوارزمشاهك شهادتندن صوكره اناطولی به كلشدر .

دها اول كنن قایلردن حام الدین چوبان بك امرای سلجوقیه نك اكابرندن ایدی قسطمونی حوالینك فاتحی اولدیفتندن اونواحی مالكانه سی ایدی [۱] حتی قونییه سلجوقی پادشاهی سلطان غیاث الدین کیخسر واولك شهادتی اووزرینه اوغوز توره سنجه عقد اولونان مجلس مشورته امرانك قرار واتفاقی ایله جالس سریر سلطنت اولان برادری سلطان عزالدین کیكلاوس

[۱] « امیر مظفر الدین یولق ارسلان بن الیورك را كه اباعن جدآن نواحی

كشوده وداشته اند » مختصر سلجوقنامه ابن بی بی صفحه ۳۳۶

Publié d'après le manuscrit de Paris par M. Th. Houtsma Leide 1902.

اولك سلطنتی قبول ایتمهرك اعلان عصیان ایدن سلطان علاءالدین کیقباد اول  
انقره قلعهنه قیامش ایدی. کیکاوس سهرلرجه برادرینی محاصره ایتدی.  
نهایت کیقبادك جاننه قصد ایدله مك اوزره شهر تسلیم اولدی. کیکاوس  
اول سوزنده طوره جفته دائر امرای کبار دولتی یاننده مین ایتدی که بونلر  
میاننده ملك الامر احسام الدین امیر چوبانده وارایدی [۱]. (کیكاوس  
اول سوزنده طورمش اولدیغنی سوله یوب صده کچدی )

سلطان کیکاوس اولك ارتحالی اوزرینه جالس سریر سلطنت روم  
اولان سلطان علاءالدین کیقباد اول دورنده امیر چوبان قریمه کچرک  
دشت قیچاقه قدر ایلروله مش و «سغداق» شهرینی ضبط ایتمشیدی.  
عودتنده سیس ده حکومت ایدن روپنه دن لیفون (لئون) ك تجار اسلامیه  
حقارنده روا کوردیکی غدردن طولایی تأدی بی اقتضا ایتمکله اکا مأمور  
اولش و بوخصوصده خدماتی کورلمشدر.  
امیر چوبانك تاریخ ارتحالی و اوغلی الب یورکك احوالی حقنده اخباره  
مصادفی اولامادم.

الب یورکك مخدومی مظفرالدین یولوق ارسلان قسطوننی محافظه -  
سنده قالمش ایدی. سلطان غیاث الدین مسعود تانینک قریمدن سینوبه کچدیکندن  
خبردار اولدیغده مسعودك خدمته شتابان اولدی و مسعود تانی ایله برابر  
ایلخان معظم نزدینه کیتدیله. مظفرالدین مشار الیهك خدماتنده نابتقدم  
اولمقله اوجده عصیان ایدن سلطان مسعودك برادر ی قلیج ارسلان ایله  
اولان حربده قتل اولوندی.

قسطوننی اوغلی (ناصرالدین) محمودك یدینه کچدی. بونك  
زماننده اسفندیار اوغلارندن سلیمان پاشا بن شمس الدین تیمور فرصت

[۱] « و امراء کبار را چون ملك الامراء حام الدین امیر چوبان و ملك  
الامراء سیف الدین امیر قزل که از اعظم اعوان مملکت بودند حاضر گردانید و  
بمضور ایشان سوگندان غلاط شداد خورد که هیچ تأویل مضرت او و بندگانش  
علاءالدین نرسد. » مختصر سلجوقنامه ابن بی بی صحیفه ۴۹

قوللایه رق برکیجه علی الفله سرائی محاصره ایدوب محمودبکی طوتدی  
وفی الحال مجال ویرمه یوب اولدیردی .

بو آندن اعتباراً قسطونی اسفندیار اوغللری یدینه کچدی اووقته قدر  
اسفندیار اوغللری افلوغان ( افلانی ) ده او طور لر ایدی .  
بوندن صکره جانیک ده توروین حکوماتدن بحث ایتک مصمم ایدیه ده  
حکومات مذکوره حقنده معلومات کافیه الده ایده مه دیکمندن بونلری آتی یه  
براقهری کله جک دفعه اسفندیار اوغللرندن بحث اولونه جقدر .

احمد توحید

